



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De statu Ecclesiæ in nouissimis temporibus. tit. 256

urn:nbn:de:hbz:466:1-29452

coronati sunt. Abrahæ constantia sibi ad iustitiam reputatur, Genes. 22. Iosephus timore Dei, nè frangeret præceptum, ilicò exaltatur, Genes. 41. Zelus Pharaones pro veteri religione accipit testamentum æternum, Num. 25. Iosue & Caleph testificantes veritatem, acceperunt ingressum terræ sanctæ, Num. 14. Daud in misericordia consecutus est regnum, 1. Reg. 24. Heliæ zelus pro lege Domini ducit in cælum, 4. Reg. 2. Ananias, Azarias, Misael credentes, in flamma ignis conseruantur, Dan. 3. & Daniel ipse in lacu leonum, Daniel. 6. & 14. Hoc mementote fratres & pugnate viriliter, &c. 1. Machab. 2. Hæc fuit concio antiquorum tempore schismatis seu aduersitatis.

Tertiò, sic nos iam primò proponimus populo, ut cogitèt hæc tempora & schismata prædicta à Christo, Matth. 24. ab Apostolis, Actorum. 20. 2. Pet. 2. Et Christus. Matth. 7. Attendite à falsis prophetis &c. Subindè proponimus Ecclesiam veterem, & illorum doctores, Augustinum, Cyprianum, Tertullianum, &c. qualiter illi dimicârunt contra hæreses. Tertiò, proponimus totam & vniuersalem Ecclesiam, nè quis ab illa se separet, alioquì non saluabitur. Gal. 1. 5. Sectæ, &c. illa probat spiritus, 1. Ioann. 4.

DE STATV ECCLESIAE

in nouissimis temporibus.

TITVLVS CCLVI.



PRIMò, Apostolus 1. Timoth. 4. inquit Spiritus manifestè dicit, quòd in nouissimis temporibus discedent quidam à fide, id est, catholica Ecclesia. quidam, dicit: non, omnes: Nam fides Petri manebit, Lu. 22. propter Christi petitionè: Ego rogauì pro te, &c. Sic erit discessio à Romano imperio, nõ omnes tamè discedent, sed quidam. Erit enim tã fides catholica, quã Romanum imperium, vsq; ad

diem nouissimum, vbi interea hæretici plurimum laborabunt contra fidem, & rebelles contra imperium Romanum. Sed omnes aduersarij conterentur ab ijs & confumentur, donec vltima hora venerit, vbi Christus regnum Patri offeret, 1. Cor. 15. & Cæsar Christo coronam: & tunc destruetur omnis potestas, & erit Deus omnia in omnibus.

Secundò, licet Antichristus, qui iam venit. 1. Ioan. 2. ab initio contra fidem Christi & imperium Romanum desæuit, hoc tamen multò amplius fiet appropinquante nouissimo tempore: tunc abundabit iniquitas, & charitas refrigescet, quia neque fides vera catholica, neque obedientia Imperatoris erit. Quòd Antichristus iam in mundo fuit, liquet, quia deuastrauit ad maiorem partem, fidem catholicam & obedientiam Romani imperii. Ad Roma. 10. inquit Paulus. Nunquid non audierunt homines in mundo fidem Christi? Maximè, quia scriptum est Psalm. 19. In omnem terram exiuit sonus & cæt. & Lucæ, 2. scribitur, quod exijt edictum à Cæsare Augusto, vt vniuersus orbis describeretur. Sic fidei sonus fuit auditus in omni terra: Cæsar regnat per vniuersum mundum, & vna est vbiquè obedientia. Sed vnde extincta est fides Christi, & obedientia imperij, nisi ab Antichristo, qui iam venit? Sic Hierosolymis, per totâ penè Græciam, Asiam, &c. fides per Apostolos fundata perit, & sub Turca, qui tot regna occupat quondam Christiana, quæ olim fuerunt sub obedientia Romani Imperij, iam perit. Sic factum est per Antichristum, id est, hæreticos, tyrannos, infideles, quòd vinca Domini dissipata est. Hic Antichristus hodiè tumultuat in Ecclesiam, & nisi promissio Christi stare. Matthæi 16. Portæ inferorum non praualebunt aduersus eam, timenda esset penitus ruina fidei & regiminis, vel Ecclesiæ, & sicut CHRISTVS dicit Matthæi, 24. Nisi dies abbreviati fierent, id est, si non veniret

veniret dies nouissimus, & Christi aduentus, tunc
tempore omnes fideles seduceretur per hæreticos &
tyrannos, ita q̄ non salua fieret omnis caro, &c. sed
propter electos abbreviabitur dies, id est, hæreticorū
& tyrannorum, vt tamen saltem aliqui saluentur.

Tertiò, quare Deus hoc permittet, cum bene pos-
sit omnes hæreticos & tyrannos in momento occi-
dere? Respondeo, propter peccata nostra hoc fiet, nõ
viuimus qualiter deberemus, nomine Christiani, vitia
hæretici & Tyranni: & quoniam Turcæ esse volumus
& Tyranni: ideo dat Deus illis tyrannis potestatem
supra nos. Sic dixit Moyses populo Deuter. 31. Ego in
æmulationem adducam nouam gentem, Esa. 6. Tota
die expandi manus meas ad populum non credentē,
sed contradicentem mihi, Rom. 10. & sic euerfa iacet
Ecclesia, quia deberemus esse Christiani, & non su-
mus: &cæt. Fideles & deuoti, &c. & non sumus: sunt
quoq; alia peccata: Permittit ergo Deus, quòd effici-
mur gentiles & hæretici, &c.

*SATHANAS CUILIBET
morienti adest.*

TITVLVS CCLVII.



Rimò, dicit glossa supra Tobiam, quòd
Domino in cruce passo, diabolus, quo
procurante crucifixus est, aduenit que-
rens, si quid peccati inueniret. & Grego-
rius sentit, homil. 39. dicens: Ad Deum
carne morientē, venit, & in illo aliquid quesuit, in
quo nihil inueniri potuit, sicut Christus testatur Ioā.
14. Venit princeps mundi huius, id est, princeps pecca-
torū in hoc mundo, & in me non habet quicquam.
Si ergo ad Christū in morte crucis, venit, & aggre-
sus est, quomodo non aggrediatur etiam morientē
sed hæc nostra consolatio, quòd fides nostra in Chri-
stum nos liberat, ne aliquid reperiat quòd damnetur
fuit